

縣志專輯

中國地方志集成

竹鎮紀略

(清)李敬纂



本書二卷，清道光十一年（一八三
一）修，現據抄本影印。竹鎮在今江蘇
省六合縣境內。

2269/03

序

原夫山川綺列今古殊貴名勝異行與國繼於職方偉特雅懿倫品降於國興先生長老放失舊聞者蓋寡乃若地不遺戶牖之需人不加婦孺之輩事皆乎豈暇時促乎駒隙而偶然聚落夫蟻封蟹窟也若其中可喜可愕可憂可悲之事頗能備揮毫之清譚苑摘觥之逸論者矣常聞邱索之外更多三神八極之浩几席之內尚有四鄰三爵之辨驚於遠者之遠亦猶昧於近者之近也敬也不敏生長鎮祖父累世於茲見以析疑聞以傳信博徵流訪記載約畧大旨薦土俗而謹災祥宗民行而志物產俾文字聲荒淪之族幽光聞混濛之區所錄補前賢以未備詔後生而可述語曰十室之邑必有忠信左氏不辨枚舉為戒詩人恭敬桑梓為諷觀風者其過而採覽焉

同治癸酉年丁巳月壬戌日吉霞軒張氏抄錄於半閒書舍客抵

竹鎮紀畧目錄

卷上

古蹟

祥興

地勢

寺宇

卷下

時俗

人物

雜記

題水
竹鏡記畧卷上

退菴李敬著

古蹟第一

禹貢揚州之域天文斗分野按六合縣志竹鎮集古名竹墩莊米廟碑更今名士林館舊址北枕山勢三面帶河郭唐光化中烏邑宰作懷古詩五十首序云其地習儒術多仕宦南至六合北至盱眙東至天長西至來安春秋屬采邑晉屬秦郡後周屬六合五代屬雄州

永聖二年齊王使潘樂郭元建將兵圍秦行臺尚書平術諫曰新

廷與湘東王信使不絕隔平侯景之土取之可也今王僧辯已遣嚴超遠守秦郡於義何得復爭之且水潦方降不如班師弗從陳霸先命別將徐度引兵助秦郡固守齊眾七萬攻之甚急僧辯使左將軍杜叔敬之霸先亦自歐陽來會與元建大戰於士林大破之斬首萬餘級生擒千餘人元建收餘眾北遁

宋紹興四年十二月元末屯竹墩為陳世忠所抗宋開禧二年金屯瓜埠畢再遇引兵赴六合金兵行至竹鎮再遇

追擊大敗之
宋設有巡檢司據縣志宋長康宣竹鎮沿江管界五司
大軍忠勇軍土軍諸寨宋建在城北竹鎮陳里港崇禎九年正月

初五日流賊破鎮十年七月二十日賊錄鎮起破六合

家設官巡檢一員明設老人一員其制烏巾藍衣青綾其副披雙出於格右持木鐸左扶竹板口誦聖諭六言云孝順父母尊敬長上和睦鄉里教訓子孫各安生理毋作非為竹板繩子之弗率者和民正俗其選甚重按鎮中街有老人廳今不存後復鄉約所約正約副約講朔望於后土廟申講六言四門設保長四人廉民之奸究凡文盜以時放之重輕請於縣崇禎初復添設職署巡多擾民者

田賦舊額六合縣民田條鞭丁糧三衛草場租銀屯糧商賈之稅老稅地畝嗣後正供之外民田增逢餉練餉工食城工河工等項

軍田新增逢餉練餉開熟加添畝料等項商稅增驛進養馬滿稅腳稅等項數百家之鄉歲加賦千金而羨吏胥漁年之毒追呼之擾游民影射之巧料徵之煩不數年盡矣可謂前車之鑒者也
鎮初衛所統轄軍多於民納糧爭訟凡事聽斷南部六合差援不能及隆萬時始歸縣因越江適縣有司與南部同籍相移會致也傳一麗姓者受杖於縣氣不能平今日謂我不能杖汝耶麗曰鎮事昔不歸縣豈因一人畏杖之故哉挺然愛之古人最概培養之厚里巷猶如此

祥異第二

宏治年石岡山出騶虞而黑文不食生物

萬歷二十四年七月十二日風雨晦暝廟山農家賣牛座麒麟村人憚報聞擊殺埋之家父往觀得其形甚詳色青黑頭一角如果偏身肉鱗鱗下淡紅毛腹下無鱗有毛色如麒麟尾如竹節端有青毛蹄折如牛傳謂其身牛尾馬蹄若未敢信也死逾日盛暑不與

萬歷丙辰五月十二日各村鎮男婦無故狂奔曰兵至矣如此移日方息

天啟丁卯某日家父飲於中庭天上有物如金蛇蜿蜒有光初不

識也後於周鄰某家檢天文殘本圖長星之形正如所見未幾帝崩

崇禎甲戌曹溪管土地廟凡云一倍不如一倍人心那合天心奸淫狡猾一齊生旱潦飛蝗相並近時刀傷一半然後自死三分天

教滅盡這般人纔得風調雨順

乙亥正月十五日將軍廟旗竿無風自折神警也丙子流賊破鎮

焚百餘家殺百餘人縱掠而去

丁丑八月後每日落時光映半天如火焰人物盡赤時省臣引京

房傳謂之日空應齊魯吳越占候家謂之血霞大旱大兵之徵

戊寅五六月天亢旱江北忽傳羊毛疹盛行民間稱有神司之以

羊角楊梅為楊四將軍軀者視人背上紫點纖穿刺之得血絡成羊毛分剛柔二毛爭戲劇媚其神鎮鄉皆崇高臺懸燈結綵優伶騰貴不得者聚惡少三五十輩擁負而去官不能禁自是兩處遂絕

五月大蝗蝗集處異鳥如鷄大倍之蝗周繞其身鳥左右啄啄可容蝗數升

七月并涸水每石值錢三十至擔之於市以供屨傳

已卯秋七月大蝗

庚辰大災荒人相食野無行者牛頭山冶山出石粉名觀音粉鎮民爭往掘取充腸墜塞多暴卒用草木葉充食差保旦夕如人逼

於火而始投之水等死也取其徐徐云爾

辛巳大疫棺席一時頓絕

天啟三年十二月二十二日地震崇禎末石山頂地陷胡龍文

田西地陷

崇禎末北鄉來異鳥形如鷄爪如兔不能樹棲多止陵阜獵者言之于按字書此鷄鳥也鷄屬大如鷄一名冠雉鼠脚缺後趾尾慈惠飛鷄志記

崇禎十年浦口伏龍山有人頭鳥但傳鷄形胸有圓文或又云頭

似人披髮長鬚為異耳按此為鷄鳥狀如人面四目有耳見則天

下大旱戊巳庚辛四年原焦涸涸數千里然則天津鷄鳴豈不

信夫

崇祿末鎮民汪氏生一男無首邵氏生一物形如冬瓜目在腹孫氏生一男豎眉尖嘴頂有毛郭老漢妻王氏一生三子宣龍川妻一生三子葉四官妻一生四子李僕婦一生四子

地勢第三

神農日中為市交易而退都邑地沛村鎮日市江南多地市江北多日市鎮三六九日則貨林林人吐虹晨而至午而集映而散聞之過客云既名竹鎮節多則堅宜設柵牆以禦暴客

竹鎮東北為釜山圓秀若覆釜正北為三山峰勢四面皆三形家言三台文明之象也西北芝麻嶺平延數十里近者為遠山駒于山正西為西龍山近者為東龍山高一百二十丈周一十八里形如龍故名接來安浦口界曠野遙空九日登之頗有落帽之興錯然而出者為僊人山祠山西南為獨山如釜山之形高六十丈周一里河水經之過河為赤土山望之如火折而南為破山口屬香

山差東為盤石山如盤故名高九十丈周六里山足接磨盤山練山高一百丈周九里遠峰插盤山練山之間為尖山正東為巴山高四十丈周二里山頂有寺有樹望之如東華寶蓋東北為烏石山寺有古桂土人所賞今摧折不存蓋鎮週皆山去鎮里許望之人家螺峯崗壁煙起如抹黛然

東龍山相傳為御路靖難兵從北鄉芝麻嶺抵龍山山徑平行如筆道上有石棋盤縱橫刻畫猶存有片石如林真僊經眠處枕藉痕宛然頭下微凹肩膊腰足隨人體而成形遊者輒臥云可卻腰疼謂之仙局仙林過此為斐家集通浦子口破山口南去二里許農家田中二石械之轉動其家必有災土人

或云宋王徽時推車過其上生員胡龍文紀事云南去二里馬寺
妃墓妃亮於軍臺葬路傍命軍人聲大石屋其上歲久地湮不知
何者土人云取墓傍一杯土者輒得惡疾覆棺後已至今耕者諱
畔耕敢躊躇其側意漢唐陵墓為煙草獨妃精靈不滅豈虞姬
之墓王嬙之塚也耶

破山口勢環如臂十餘里有小山尖圓可愛名曰香山舊傳宋
王提兵追蹙李王李據土焚香以頌天軍士樹土所成彼宋李二
王怒氣逆為冷風雄兵化為沙蟲矣曾此山之巋然誰不因而歎
息乎

天啟辛酉秋巴山庵墓堂和尚所造地藏經二載忽左膝生花二

朵三日如盤七日如盤高可盈尺色淺白嫩黃清芬襲人按縣志
云右脇下生花花一莖四十餘瓣如果玉已逾月又生一莖何正
位繪圖孫國教記事遠近瞻禮數月不絕堂前其事鳩工庀材
門廊殿貌煥然更新說者謂僧龍眉古貌四十年不踰林麓戒行
成云生員胡文龍聞之父老曰茲地殿砌長靈芝數十莖松頂鶴
巢有仙鶴一未二祀巴山起茅草鳥一代名臣今山靈爭毓百餘
年所結為此花殆有踵巴山而起者耶

巴山有銀杏十里外見之翠葆摩霄其乳筍下垂欲滴大風時聲
震山谷天啟二年樹根生三足蟾蜍人驚看數日不知所往盤石
寺銀杏一株實味尤美

尖山為文筆峰映竹鎮東南隅嘉靖初年烈風疾雨白晝晦冥雷
電交作瀑水逆流山頂石穴水湧蛟出蛟宮化為石池大旱不竭
土人迎龍祈雨請禱輒應有堪輿家過此徘徊瞻望語樵叟曰筆
峰傳硯池名為東壁園府西北方人才後先接踵矣祠

祠山寺神即祠山大帝山之四鄉家戶更祀趙王云祠山趙王墓
不知趙王始何代祀何朝名號何也又老農語云祠山之葬非趙
王乃邵王邵即祠山大帝之姓也余第不深考俟識者辨之

鎮北五六里土名石婆崗明初為馮姓巨宅食指數千重門深壁
十餘里熟師靖難取道南行馮氏積水決渠過王將士正位之後
乃諸汝其家今瓦礫間石鼓石限猶存西去里餘有土城舊址

碾于李家路旁土徑丈白色味入口如鹽砂不生草木

鎮為二水交匯之區東北山河起焉龍港縣均濟橋數十里繞鎮
入大河西北丁家衝為冷泉鎮龍港十里亦晚鎮合流舟楫轉
運之利杭稻灌溉之資皆在此矣

按縣志竹鎮河道紆曲有情從來士大夫倉卒之區陸至縣五十
里許水遂二百里有奇與滁水出江之惜水潯形勢正同

東西橋近年所造原有二小石平橋長老傳數十年前去水猶丈
許今幾沒泥下僅尺水而已石橋造甚古不能識其年歲

東有凌泉泉主係本色厚生凌姓者聞之凌語此泉源自宋時活
活泉注別派有刁家壩西有龍泉泉出山頂曲折而下總匯鎮之

東西二流西南有青龍泉繞龍山及祠山等乎獨山之下沿乎三
德橋之間合全椒滁州六合水徑洋洋乎通大江矣西北有冷泉
田者築壩蓄水歷千佛庵前過西河石木二橋潑洄河口合乎西
龍泉東源泉從流於青龍泉之後是鎮之水經也非有瀨瀚澎湃
如江湖之廣非有潏潏斤亩俾鹽魚之利大者天旱資枯棹耳哀
我憚人泉之竭矣不云自中乎

冷泉水湧地穴甘冷絕異沸沸不正常浮出蓋草木蓂等物覽昔
志名山洞府遙遙相通其源所接抑何地耶

清冷澗在香港上按成化志香港不詳所在考嘉定志亦然且謂
香港見三山水不知三山水為何水也新志仍之敬謂顧北三山

山之西為香港河即香港再五里許為獨山孰家渡縉紳先生想
未下採土人之口也傳云謀於野則獲

鎮三水合入大河河西獨山東盤石山雄峙水口當東流建闢帝
廟亦可小差但門垣殿宇未盡壯麗就格西流漫出不止所以中
衰宜取土築阜為餘氣則鎮尾豐隆或建奎閣與獨山盤石鼎
峙補其地之低下以映北拱三台之葉東西二橋脩造完好雙虹
宛偃一鎮之觀瞻也

水紆土厚其地聚人鎮西冷泉繞古河數十丈始出故西門居財
者最自汪世相者射轉輸之利改直水道徑經其戶不數年而
零落殆盡未幾流賊來汪母被屠豈陽殘地脈天所惡耶

井田井里相共為義獨鎮民宅置井百餘畝諸人徧身痲痛且不
美況孔穴乎湧湧津潤多費必斂今見地氣洩矣既開遂不能開
未聞耆父老請官亟禁可也

寺宇第四

在鎮有觀音菴萬歷十六年知印陸坊僧證來建工部郎中周詩有記居人李雲鵠僧常賓重建殿宇宏麗前禮部尚書葉燾唐事王錫及有記魏國公徐宏基改題七佛禪院今仍稱觀音菴伏波將軍廟傍附小土地廟鎮民死云攝魂於此送酒飯奠焉五聖廟關帝廟千佛庵居民李雲鵠助修古蹟有后土娘娘廟宋建災四年僧岳欽立頽毀嘉靖二十一年道士劉景陽重建有準提庵普濟庵鎮鄉有白雲寺天順間僧妙林建嘉靖十八年僧了真重建北廣佛寺梁天監中開建洪武元年僧勝全重建嘉靖九年僧海胡同修龍泉寺至和元年僧勝濟建成化十年僧道能嘉靖二十四年僧正滿各修建大聖寺咸通中僧惠崇建嘉靖元年僧崇信重建龍山寺元至正間僧洪演建正德間僧悟實重修仙人廟祠山廟獨山寺東王廟鄉民建寶公寺梁天監中誌公建正統間僧宗真嘉靖十六年僧清澄重修盤石寺咸通中僧道興建成化間僧真通正德間僧真明嘉靖二十八年僧常茂各重修雙泉寺元至正中僧道本建成化間僧道勤嘉靖十八年僧德明各重建巴山寺大聖廟樊山寺開建未詳烏石寺至和元年僧本通建嘉靖十八年僧道朗重建遊僧駐錫山客停驂各一時之勝蹟也鎮北石窠岡婆乃一將軍拔甲伏戟相望里許靈居禪寺址按縣志宋建隆三年僧法聚開建不存洪武十五年居僧重建永樂十

五年居僧重建永樂十五年併於臥佛寺嘉定志云靈居寺舊有碑記載唐縣令鄭繼履優事不知何時廢生員胡龍文紀曰寺即馮姓香火僧眾千餘夜靜風清鐘鈴梵唄聲聞十里永樂中馮族被逮寺僧聚徒叩關請代成祖震怒并廢其寺今耕夫牧孺猶於瓦礫間拾取古物

寺有二方石徑三四尺許一鵠尊聖呪一題口口口口起廢重興本寺佛性杜禪師之塔石陰依稀十字有大德口口年號今移鎮北觀音寺佛前相傳石未移時天陰雨輒聞其下作鐘磬聲或云石倒橋下晨昏有二丈夫如金剛狀土人怖之僧證來移時遠絕寺傍有土阜突起田中耕者云下間有鐘磬聲不知云何亦不敢發

烏石寺四金剛像極奇古相傳移自靈居寺

觀音寺鼎新之初地湧大士頂具七佛故改今名樓貯藏經一部水陸佛像一百軸俱僧常慶募進家祖溪溪公施成藏墨寶一部余未之見傳是溪化閣帖舊本恐亦今世所無伏波將軍祠初時樵土得石將軍土人祠之因伏波著故耳改伏波漢爵可祠者必新息侯馬援也東坡烏伏波廟碑又著却離路侯按二侯歟澤俱在嶺南與鎮不相及椒房之嫌明珠火犀之譏當年不能白於君相千載後顧祠於荒山斷龍乎俗人山有道人李姓不知何時人為傭工與之錢不計多寡數家

召之儒皆應之後數家會皆各有一事道不辨誰是真偽竇蹟如此道人忽傳語鄉人某日當終卒為儒者百來如其言道人坐柴上口吐火蹶頃刻形骸然化矣土人立仙人廟號曰雲光祖師三月三日男婦進香不絕

孫氏婦孕產一龍初如小蛇狀父刀斷其尾即風霆破屋而去後來飲母乳母乳迷昏不醒蓋以氣相取也母死來祭土人風雨晦冥中盼弟見之五月間為其母忌舊俗後袂以待云是孫氏白龍王兩建有白龍王廟

石漆岡有古小廟語云前十里後十里金銀正在七十里後聞取其供前石香鑪者剖之皆金蓋石鑪鑿其外為漆石裏也不知語

從何起爐復何所置也亦奇矣

寶公寺在廣澤中春夏水漲寺基水長亦長傳為靈蹟西鄉二里許有烏龜橋小阜形如龜處塘中隨水高下恆處其頂

竹墩遊地春月人士多止舍後煙墩高不盈三丈許周樹桃杏望鎮屋瓦鱗編錦織至晚小紗燈點着叢樹的燦如垂朱櫻屈屈如繁星落烟水間

修禪之勝無過西溪次則舍後河流綠楊草草波碧沙明不煩貼綴復鏡潌上之趣

西墅胡生園尤為娟雅流水繞之園枳作藩綠莎深淺竹門相向令人飄然有桃源問津想桃李行列花開爛漫神姝來柱正如虞

初志記崔處士山莊耳得無小亭曲榭杯盤散橫僅堪藉草四叔家舊稱小廬北望平蕪時有金衣玉羽參然長鳴嫵然飛迴七佛碑院樹色蒼蔥藤陰盤曲延螺如屏如几煙春水綠晨煙散樹叶陌交錯曲現河流如帶南望則萬戶晨炊千家秋杵聲先飲人吟思余十四五歲讀書其上板牖四開玲瓏爽垲輒復自喜其荒以來牆垣頽廢半沒蒼蘆矣

近增汪氏園亭溪流環帶高梧茂竹密菊蕙蘭無不楚楚數武接汪氏進溪又數武接李氏園樓西接劉氏桂莊渡河接李氏北園家園畫境日春風併綴太平佳話

家園古松一株有百年松石亭東園古梅一株松四株並聯寶溪溪公手植

秋遊龍泉寺廣佛寺紅葉之盛參差萬株佳藥萋萋草不但禪悅幽岑抑亦養生福地至僧房磴曲山廚淹雅白雲貯其襟袖皓月伴我琴尊牧笛樵鋤丁丁嫋嫋又其點染虛空者也矣

東西二龍山自淞州來安來謂之諸峰之孫綿五十數里許敬暇蕭然一草一木即春風夏日皆有瘦倍徭材之意曠其宛孟嘉之勝事余獨悲此涼秋者乎

烏石桂秋香古烈今仙根移植廣寒不得不數汪氏莊園數株落漆綴郁可句歌許觀雪亦向龍泉觀音閣為勝千巖木勁萬壑寒寒次則盤石高凝

玉龍死後不許靈處獨秀

竹鎮紀畧卷下

退卷李敬著

時俗第五

正月元日昧爽闔宅起盥漱梅縫盛服備展拜上下神祇謂之接神看燭盥堂焚燭爆竹旭旦拜父母舅姑迎喜神方乃出六親互拜豐酒肴占風書雲災祥各從其類家不汲井不掃地不誹罵子舉輩婦人不拈鍼罷市三日雞犬不吠鳴吠否則歲多疫奉神者遊者於廟齋初三日以後擇吉開市揭五色紙錢於戶偕楮幣焚之謂之送神十五日上元夜點諸花燈十三日起十八日止米粉糰果餠着湯食之謂之開元宵盡則做儺獲取優伶面具服飾妝

會亦宋元之社夥十六日初土地神以麵肖形為大豕雞鼠云宜牲畜田蠶俗傳是夜鼠搬家詳者多鼠患上已前後酒具郊遊謂之踏青清明上塚掛紙錢士女出遊插柳於戶於家神於首飾於狗清明喜晴穀雨喜雨五月五日端午鎮地繞兩河不競渡俗豕農也士女採石榴蜀葵作艾人艾虎簪草成翦繭作花虎金彩貼之相饒遺食角黍雄黃菖蒲酒以桃枝葛根刻小胡盧并獨蒜五色線繫之臂云延年解毒醫者採百草取蟾蜍墨納其口悲之至死墨可療毒諺云癩蝦蟆端午五月十三日關聖帝君誕日街坊設牲醴朋祭而燕醺祝戲劇娛神兩插秧謂之磨刀水移竹謂之竹醉日六月六日俗喫臘肉云不注夏母家是日請其女晒曝姑

物色不渝不露伏日作燈七月七日幼女架卓設香水乞巧吳人在鎮者作巧盤米粉為鸞鳳形貼花勝不勝端午所繫線線皮之屋上云助鳥鵲填河牛女會也七月十五日家祀先祖開為孟蘭盆會僧家造大紙法船焚之武士爭投指幣者曰者姓名於其上云附去漆河橋八月十五日中秋作月餅祀月瓜豆角菱芋副之賞月簫鼓徹夜詩云雲遮中秋節雨打下年燈九月九日食糕糕上標五色紙旗云糕旗登高遠望菊酒各討故事為之十月朔日高先祖掛紙錢於塚上十二月雜果作粥云臘八粥二十四日祀竈云神上天白人善惡謂之送竈五日云上帝下界禁慾管擇日掃舍除夕日換門神祭貼春聯五色紙錢於戶簷隙插松柏枝芝蔴柑祀上下神祇如元霄禮至晚雜松竹為燎盆焚香求以避疫男女次坐合飲達旦謂之守歲云後世得父母具慶夜分云竈神下界新其供牌簾布設香燭爆竹迎之不譁難大不驚怖也傷水淨廁殿

歲時之勝無過上元燈月又映常至達旦燈則有布龍燈紙龍燈金燈珠燈撒燈牌坊燈人物花草禽魚各燈及士大夫之家簾山燈紗燈料絲燈羊皮燈牛角燈庵寺有樂師燈塔燈煙火花炮點放不絕四鄉男婦攜肩探頭踴躍觀於道周笑語聲不能自辨日則舞鬼關會裝演故事爭喧闐綠夜則高舞竿路象走百病諸戲尤雅者書隱語燈上以小物值射之謂之打燈就惟布龍

燈能盤旋人家梁柱大礙噴薄蟬瓜怒張擊其首與尾必得大力且巧於滾輪者能之近縣雖百計倣倣終不及也嘉隆時尚節儉婚娶不曳綵綵民不得着朱履非要會無若其十數年前履絳曳綵羅珍珍改錯遂有兩子賊變焚殺幾半習習蕭條矣

先單視物力至艱取與不妄云治生至為經紀做說不可堪今至卑驟負販之復蔬果什物之項必有一行賄者黃之浚潁而益豪屏眾而肥獨不得良有司角惡吏胥勾通需索之弊其有父子冠婚生人之禮祭事死之禮畧而可贖喪乃人生之終樂禮從俗者言之昔年鎮民和衷容墨衣綴經冠狀如禮節就極旁不交賓客不出入不御掌酒見人稽顙以為禮今遺其半焉不足耶鄉塾成人之始昔年師教生徒初進兩拜父師交拜朔望焚香然燭排班拜

至聖餘日昧鼻師衣冠生徒至揖就位背書必整衣學業日記志義節孝故事對四聲辨虛實體敬詩日映散步必偶途遇長者必揖即後四民不一風海洽美矣今遵其半焉不足耶古士樸今士游古士淡今士貪古士專今士雜嘉隆時六合重試焚燎獲御微取而應今則營營然恐貴之不遠矣其故何也陳公子完之飲於齊桓也曰臣卜其晝未卜其夜豈必欲食樂男牛燕而散女展樂米飲成禮防淫別嫌明微今也不然

崇禎末婦人簪天高髻如古蟬髮魏文帝宮人英瓊樹製蟬髻蟬
髮如蟬首皆玲瓏成蟬形如古盤龍梁冀妻所製名
敬鵝雞鴨必剪耳毛爲神也設牲祀其往生也生具體存存
毛而祭祭外神特祀先祖也熟而薦薦神之近親者爲親也血而
祭祭神之屬者加刀俎上置著豆間使神用也祭畢諸物之元
揚之於空於廢送神也
啓者必蟬須兩解之蟬者必蟬須風疏之禮故必晚蟬蟬之見
夫八十之老矣行短也言歲也貌範也雖長無失冠屨馬雖飲
無失鬐耳爲敬之至也可以終身與人而莫之或非也
貧民或募富家或同市餘或行田野秋必得粟石許冬必得草百
觔詩云彼有遺秉此有滯穗其然乎
鄉民秋冬入山採藥材研草草取其值春時白塔古城等集油房
蘇餅類一水轉運而批負價遠勝長有力者至無乏絕天地自然
之利以哀憐人也
江北方言曰牛馬年好種田謹防雞猴二年甲中乙酉二年江北
立四鎮竹鎮屬黃得功奸淫焚掠千里無煙
大兵南下舉郡然堂諱村諱默兆如此
崇禎末江南北作十翻之樂突然起音正感時突然止絕無首尾
節奏其聲嘈雜悲涼聞以感東海蠅木魚之類家大人喟然謂歌
曰樂律爲夫人志氣之動今體若此謂者反也突然者一往不
回也

人物第六

唐陳融居陵棠邑人游不出鄉年七十二卒貞元初呂溫寓居是
邑見鄉人父子長幼各有倫序歎曰芳蘭所生其華皆香美玉所
積其山有光必有賢者生於是矣遂停車累日則訪故老果曰嘗
有陳融孝惠仁信鄉人化之今也則止清風猶在溫慨然曰先生
以純德至行沈落光輝乃故典校德諡曰貞晦先生建石以表其
墓按不可考先生所居亦後堽溪子曰德不孤必有鄰故誌之
凌陽北回五都人永樂五年指書授直隸內黃縣縣丞孫若西里
人永樂六年指書授四川布政司經歷
楊武襄公起家漢中開平衛百戶鄭曉吾學編載爲六合縣人三
爵並封勳名赫奕冠絕先朝縣志謂墓在竹鎮必有所據但昌平
彰武武強如此之盛彰武又世伯宣授沒先墓於荒煙蔓草者何
今鎮北只楊家港丁族甚盛不知是其本支否也按縣志彰武伯
楊洪墓在竹鎮彰武係楊信兵備副使王宏墓在巴山王宏字
叔段廣洋衛人成化庚子科舉人登宏治癸丑科毛澄楊宏風負
天才弱冠舉禮記第一定山莊先生承愛而妻之遂品隔古今雷
神理學以名節自砥礪授行人考績奉勅進階修職郎正德改元
擢南福建道監察御史論列逆瑾罪狀忤旨被逮杖發爲民瑾仍
給詔榜姦黨於朝堂宏與馬庚年瑾謀起廢東食事進副使嘗攝
學政時震宗伯始倫司成以訓鍊疎生傷中宏首加獎進服其

明在廣教養專教道義糾貪吏紀先儒風采潔潔值江石海南孫冠峰起隨相機擊走之當獲賞以執法論時相之子重獄遂欲怒而歸嘉靖初京官有援宏出議大禮者宏不附名士尤高恬退之節後學陸察輯其所著為巴山集前尚書吳公廷舉以詩贈之有四海王巴山詩名六十春之論句數條而論其無愧定山云嘉靖十七年本縣奉南京禮部劉付入祀忠賢祠陸慶萬應初奉學院周謝業驗採輯世宗實錄名賢事蹟俱有宏傳子學工詩詞將貢卒子學有奇氣學使者試聯云句惜前雪積馬蹄寒對曰海上春和盤背暖與第一適巡按御史考察官吏六合縣令有過應撰衣微視學從容起班次為整之御史目之不言問姓名而已次日謁儒學講書意欲相難請曰今日講何書曰大誥學升座應聲曰百官皆跪聽講大誥御史不覺離席而起與守令羅跪終講肅然劉夢吉字迪之府軍後衛人嘉靖年例授監河南上蔡縣主簿印李一愛號白湖先江西人詩宗杜甫字體適勁有結構隱於竹鎮之村與石泉諸君友甘貧樂道澹如也少年同學有仕至南京戶部尚書者屢書招之思有饒遺濟其資阮堅卧不起烏石山先輩徐謙憲號某某本農家子其先浙人以重試第一名入六合學隱烏石山訓徒為業編茅數楹四方覆檉止之四書詩經能口授不遺一字云講書義理須講做一個其精熟真老伏生也造後學子珍輩起家父得甲第自署門對云三泮藻芹歸化育

四方桃李屬栽培屋對云鐵線工夫期補袞登壇手段試調羹七曾祖叔秋聲工詩叔祖明衡世業其所造對句令人不能屬偶如一墳三塚兩栽松中家種竹黃天蕩青翠池蓮紅菱碧藕綠蓮房內紫藻翠頻

石泉張先生名元吉詩字有古法為里中宿學之冠子麗震名嘉靖時倭寇至六合縣令董公邦政督民共禦之方畧甚具數奏奇蹟一時所養士有孫二把勢孫祖居鎮北故姓招鐵木兒努力技藝冠絕流輩曾為數十數人所圍孫踴躍作勢從眾人中一躍高丈許而出人皆辟易號曰飛虎後渡江沒於水公憫忠勇賜之地租給其家

陳翠峰僧最為晚助江寧雞鳴寺鐵井欄能以足納其中欄隨足起聞其少時一線林豪也從董公公最愛之同黨不能平峰伺集齊縣前有石墩隻手攜之置柳樹上諸人皆流汗整服所殺賊不可計歸老竹鎮庵得吐血症與倭遇水田戰傷也胸脇作氣脹令二小童立其上踏之九十三歲而終

翠峰謂家大人言董公立功能得士不知其所緣然我嘗一日戰敗創甚公親調湯藥一夕七起問士感激樂為之死云

峰弟來印宗宗即證來鎮北觀音庵是其所建峰有神力宗槍棒藝甚工晚年好聽講孟子

家祖清溪公少喪父母自蘇止竹鎮從叔某學治生有客遺金

十七兩於牀頭檢得之客隔處來語是事不知道於何所也公
挈遺之封識宛然客讓其半公不肯受曰不利其金何以半為
時公正困乏轉絕衣食客歎曰此子後福當不可量非叔輩所
及也

塾師某某家大人幼所從游一夜夢緋衣金帶者至其家是夜

